

IEHOVAH FAVENTE!

DISSERTATIO ACADEMICA,

DE

INFLUXU

TEMPERAMENTO-
RUM IN MORES

HOMINUM,

QUAM

*Consensu Amplissimi SENATUS Philosophici
in Regia Academia Aboensi,*

PRÆSIDE

MAG. JOHANN E
BILMARK,

HIST. & PHIL. PRACT. PROF. REG. & ORDIN.

Atque Facultatis Philosoph. h. t. DECANO,

Publicæ disquisitioni submittit

JOHANNES FAVORIN, Gabr. Fil.

TAVASTENSIS.

IN AUDITORIO MAJORI DIE II. Decembr.

ANNI MDCCLXVII.

H. A. M. C.

ABOÆ, Typis Regiæ Academiæ.

PERILLUSTRIS atque GENEROSISSIME
COMES ac DOMINE,
D:ne JOH. CAROLE CREUTZ,
CENTURIO ad Legionem Pedestrem Nylandensem,
MAECENAS MAGNE & NUTRITIE haud ita pridem
PROPENSISSIME.

Ne ægre feras, MÆCENAS MAGNE, humilius oro atque obsecro, quod inclytum Tuum Nomen huic Dissertatiunculæ, quæ præter materiæ dignitatem nihil habet nitoris, nihil splendoris, præfigere ausus sim. Allexit me ad hoc faciendum Favor Tuus plane singularis; allexerunt innumera fere beneficia, quibus me sub quadriennio, quo Carissimorum Filiorum Tuorum, in spem Patriæ natorum, Studiis Divino sub auspicio promovendis atque augendis præesse mihi licuit, cunulare dignatus es. Allexit denique mira facilitas Tua, quæ nemini aditum præcludit. Quantum Tibi, MÆCENAS, debeam, video; sed quid rependam, nescio. Attamen ne prorsus immemor officii videar, pagellas has, qualescunque deum sint, in signum gratissimi animi Tibi dicatas atque consecratas esse summa cum cordis veneratione volui. Adspice igitur munusculum hocce uti chartaceum, ita in se levissimum, hilari, uti soles, vultu, meque, eodem, quo hucusq; amplectere favore. Quod reliquum est, nunquam intermittam, vota fundere calidissima, velet Summus rerum Moderator, Te, GENEROSISSIME COMES, Familiamque Tuam Perillustrem per annos bene multos omnigena & continua beare felicitate. Sic vovet vovebitque ad cineres usque permansurus.

GENEROSISSIMI NOMINIS TUI

eliens devotissimus
JOHANNES FAVORIN.

VIRO admodum Reverendo atque Praclarissimo,

D:no JOHANNI ROTHOVIO,

Ecclesiarum, quæ DEo in lkalis & Storà colliguntur, Pastori & Preposito longe Meritissimo, Gravissimo, Ahi loco ad urnam usque pia mente reverando.

Admodum Reverendo atque Praclarissimo Viro,

D:no GUSTAVO ROTHOVIO,

Parœcia Palkænenis Pastori longe Laudatissimo, adjacentisque Districtus Praeposito Accuratissimo, Ahi loco ad cineres usque reverenter colendo.

Plurimum Reverendo atque Praclarissimo Viro,

D:no Mag. ARVIDO TAULERO,

Pastori in Kyä Meritissimo, Vigilantissimo, Avunculo omni animi observantia semper suscipientio.

VIRO Speciatissimo,

D:no NICOLAO FAVORIN,

Commissario Liquidationis ad Illustrè Regium Regnique, quod Aboæ floret, Diaconerium, Vigilantissimo, Patrono uti unico, ita quovis honoris cultu semper prosequendo.

Vobis, Patroni & Fautores Honoratissimi, hoc quaecunque specimen Academicum, ob summum erga se favorem innumeraque fere beneficia in se collata, cum votis ardentissimis pro Vestra Vestrorumque incolumentate perenni, summa, qua par est, animi veneratione offert

NOMINUM VESTRORUM

cultor humillimus

JOHANNES FAVORIN.


VIRO Plurimum Reverendo atque Praetarissimo,
D:no GABRIELI FAVORINO,
Ecclesiae, quae DEo in Achas colligitur, Pastori Meritissimo, Accuratissimo,
PARENTI INDULGENTISSIMO.

Non e longinquo petenda est ratio, cur, si cuiquam alii, certe Tibi, Parens Optime, Dissertationem hanc consecratam esse voluerim. Tot enim tantaque Tui amoris atque benevolentiae plane singularis in me sunt documenta, ut iisdem justo encomio praedicandis, nedum compensandis vires non sufficiant meæ. Etenim Tibi non solum vitam, verum etiam quæ habeo, omnia post DEum O. M. debedo. Tu memet vere paterno complexus es amore, adeo ut nullus adhuc præterierit dies, quo non novum hujus, uti paterni, ita & tenerimi affectus expertus sum indicium. Salus mea Tibi semper curæ cordique fuit, & quidem ita, ut nullis, quibus unquam par esse potuisti, impensis pepercenis, sed Tibi potius, quam mihi deesse volueris. Plura itaque Tibi debedo, quam solvere unquam possum. Quid vero reddam? Nihil certe suspetit aliud, quam animus gratissimus æternaque pietate obstrictissimus. Accipias igitur, Parens Optime, publicam hanc gratæ mentis tesseram pro tot tantisque in me collatis beneficiis, hasque, quas devota mente offero, studiorum primitias paterno adspicias vultu, humillimus oro atque obtestor. Meum erit, Summum Numen indefessis compellare precibus, velit Te, Pater Indulgentissime, una cum Matre mea Dilectissima totaque Paterna Domo, quam diutissime sospitem atque incolumem conservare, in Ecclesiae, cuius fedulam geris curam, emolumentum, atque omnium, quotquot Tui sumus, gaudium, solarium & fulcrum firmissimum, constantissimum. Sic ex intimis cordis penetralibus vovet vovebitque

PARENTIS INDULGENTISSIMI

filius obedientissimus

MIRONVS REVMARVS
JOHANNES FAVORIN.



§. I.

Sicut Historia Litteraria generaliter docet, omni fere ævo fuisse homines, eruditionis fama conspicuos, qui de argumentis etjam gravissimi momenti proprias, ne dicam paradoxas, soverint opiniones; ita eadem specialiter monstrat, quod de commercio inter animam & corpus, & quidem in quæstione: an tale revera detur, multi in diversas abierint sententias. Inter illos, qui hoc connubium in dubium vocare ausi fuerunt, primo loco ponimus MAXIMUM TYRIUM, qui, postquam notam de ZOPYRO Historiam exposuisset, statim hæc subnecit: Μανίαν διουφῆ τις γάρ ἐπιμέλη πέδος ὀμοίωτην τῆς φυχῆς νόσ σώματος: id est: *Incerta profectio Divinatio.* Quid enim cum anima commune habet corpus? (a) Huic pollicem premit JOH. FRANC. PICUS MIRANDULANUS, qui illos carpit, quotquot ex corporis motibus ad animæ statum concludere audeant, ipsosque accusat, quod, posthabitis rectæ ratiocinationis legibus, a specie ad genus & a ge-

A

ne.

(a) Vid, MAXIMI TYRII Dissert XV.

nere ad certam quandam speciem adformativum ducent argumentum. Sed juvat ipsius adduxisse verba: *Non secus, inquit, aberrat, qui de corporis complexione ad mores ratiocinetur, quam qui a corpore ad animal, ab animali ad hominem recte se argumentari putaret.* Piaculum hoc in arte Dialectica ponitur maximum, si in adformatiōibus a superiori, ut ajunt, ad inferioris adformatando descendunt, verbi causa, hoc est corpus, ergo hoc est animal, igitur homo (b). Quid verbis allatis significare voluerit MIRANDULANUS, neminem fugere potest. A corporis scilicet habitu ad animæ humanae propensionem nullam esse consequentiam arbitratur, ideo quod mentis cum corpore nullum sit commercium. Quamvis vero non dixerim, quod hi dumviri malo proposito commercium modo memoratum sublatum iverint, ut potius credam, quod illorum ita suflaminare voluerint conamina, qui Physiognomiam humanam plus æquo extenderint, non tamen propterea ipsis suffragari possum; neque enim propter rei alicujus abusum erit ipsa res temere deserenda. Profecto qui arctissimum hoc inter animam & corpus connubium in dubium vocare audet, non satis secum habitare videtur. Docet enim experientia, arctissimam adeo societatem inter partes has hominis essentiales intercedere, ut certos corporis motus certi motus mentis, & vice versa hos illi continuo sequantur. Quis, quæso, ignorat, quod corpore nostro vegeto & bene affecto mens quoque blandam

(b) Vid. JOH. FRANC. PIC. MIRAND. Libr. VI. de Rerum prænot. p. 602. Tom. II. Oper.

blandam sentiat voluptatem & velut in grato triumphet palatio? Contra ea si corpus merbo aut ebrietate langueat, mens quoque velut torpida evadit, adeo ut officii sui partibus, quantumvis vellet, defungi non valeat. Vicissim dum mens latabunda est, gaudium suum ægre continere potest, sed corpus una blando adficitur sensu, frons explicatur, & omnes corporis partes veluti reviviscere ac gestare videntur. At si mens mœrore, ira aut alio graviori affectu teneatur, corpus quoque in doloris istius societatem rapitur, corrugatur frons, fatigunt vires & homo vix semet ipsum ferre valet. Notum est curiosum SANCTORII, Medici Patavini, experimentum, quo unum eundemque hominem pro varia mentis dispositione modo graviorem, modo leviorum deprehenderit, graviorem scilicet ac ponderosorem, quoties vehementiori tristitia angeretur, at leviorum, dum frons exorrecta animi vigore indicaret (c). Cujus quidem rei non alia suppetit ratio, quam mutuum animæ & corporis commercium; quo fit, ut dum mens veluti ovat, corpus facilius perspiret; qua autem mœrore adfecta, transpiratio redditur impeditior. Quibus probe perpen-
sis satis apparet, quod animæ & corporis commercium adstruentes, non a specie ad genus, nec ab hoc ad certam speciem, ut opinatur MIRANDULANUS, argumententur, sed quod ab effectu ad causam rite ratiocinentur.

(c) Vid, SANCTORII Medicina Staties.

§. II.

Evicto jam, quod animam inter & corpus intercedit, commercio, proprius ad institutum nostrum accedimus, in limine tamen visuri, tum quid per *Temperamenta*, tum quid per *Mores* sit intelligendum. Per *Temperamenta* igitur indigitamus aptitudinem partium tam solidarum, quam fluidarum ad circulationem sanguinis perficiendam. Non nostrum jam est, Physiologicis nos immittere amoenitatibus; praeuntibus peritis artis hujus Magistris solummodo observamus, quod sanguis noster ex particulis diversæ indolis sit compositus. Reperitur enim in eo serum: sunt deinde particulæ crassiores & terrestres; sunt quoque oleaginosæ & inflammabiles: dantur denique salinæ, quæ omnes diversa adeo ratione inter se sunt commixtæ, ut in quibusdam hominibus hæ, in aliis vero aliæ abundant (a). Vasa etiam, per quæ tam sanguis, quam ceteri defluunt humores, differunt & qua structuram & qua indolem. Qua structuram alia sunt capaciora, alia rursus magis exilia, quæ minores habent diametros. Qua indolem quædam majori, quædam minori praedita sunt elasticitate & consistentia. Ipsam denique corporis humani fabricam deprehendimus diversam: aliud enim est porosum & transpirationi aptum, pro quo aliud strictius textum superfluos humores ægrius emittit. Ex quibus omnibus diversa proportione inter se combinatis diversa oriri temperamen-

(a) Vid. Robert, BOTLE in *adparatu ad Historiam Sanguinis.*

mentorum genera, mox pluribus ostendemus. Per Mores autem intelligimus propensiones hominum sive ad virtutes sive ad vitia. Illi igitur sese exserunt per actiones Legibus tam Divinis quam humanis vel convenientes vel contrarias. WOLFIUS Morem definit per modum constantem ac perpetuum determinandi actionem sive positivam sive privativam dati generis vel datae speciei; seu per identitatem agendi in dato casu (b). Qua vero definitione potius consuetudinem, quam propensionem ad virtutes indigitare videtur. Denique de influxu Temperamentorum in mores hominum, favente Summo Numine acturi, Tuam prius C. L. sollicitamus benevolentiam, ut quicquid in ardua hac materia juvenile nostrum proferre valeat ingenium, mitiori perstringas censura; ita vicissim candidis Tuis moribus pretium, quod merentur, statuerint omnes boni.

§. III.

Quum quatuor vulgo poni soleant Temperamenta, ut ita dicant cardinalia, a proposito nostro haud erit alienum, de singulorum indole pauca differuisse. Primum sibi locum vindicant Sanguinei, quorum sanguis salinis abundat particulis & ob harum puritatem nec non ob nativum calorem valde fluidus est. Vasa illorum, sanguinem & humores continentia, exilia quidem sunt, sed tamen facile per via. Totum denique corpus est ita porosum, ut perspirationi admodum inserviat. Quum itaque anima in ejusmodi domicilio satis commode habitat,

(b) Vid. *Philos. Pratt.* Tom. II, §. 687.

& nihil fere metuat, hilaritatì quoque impense indulget. Quapropter mirum non est, si Sanguinei in voluptates propendeant, iidemque in secunda fortuna facilem spem concipient, nec in adversæ tempestatibus animum desponteant. Porro cum sanguinis & humorum motus apud hos sit satis velox, varietate rerum & negotiorum imprimis delectantur, & curiosa magis, quam utilia consectantur. Biliosorum seu Cholerorum sanguis, quām particulis oleaginosis & inflammabilibus luxuriet, volatilis potius est, quam fluidus. Vasa illorum sunt quidem capaciora, quam in Sanguineis, sed quum eximia gaudeant elasticitate, motum sanguinis & humorum apud illos intendunt. Quum itaque vita corporis animalis in sanguinis & humorum debita circulatione consistat, atque Cholerici vitalem motum satis celerem experiantur, anima quoque in tali domicilio non potest non sibi placere, seipsum quasi admirari nec quidquam metuere. Quamobrem biliosi eximiam tam de se ipsis, quam de aliis rebus, in quas feruntur, concipere solent spem; ad impedimenta sibi forte objecta vivida eorum indoles facile excandescit, omnesque affectus magis impetuosi sunt, quam diuturni. Non labores fugiunt, nec pericula exhorrescunt; sed in illis sœpe quietem & oblectamentum, in his autem propulsandis gloriam aucupantur. Longe alia est ratio eorum, qui atra laborant bile & Melancholici nuncupantur. Horum enim sanguis particulis abundat terrestribus, adeoque crassior & spissior est, quam ut faciles con-

concipiatur motus. Vasa quoque capacia & minus elastica tarditati circulationis obstetricantur, unde vitalitas minor existit. Anima igitur tam ruinosum habitans domicilium, sibi met per perpetum timet, & tuta etiam non raro horret. Hinc oritur tristitia, metus, diffidentia, adeo ut ejusmodi vecordes homines multa quidem moliri, sed nihil fere egregii efficere queant. Ultimo loco ponimus temperamentum Phlegmaticum, quod etiam omnium minime est optandum. Sanguine gaudent Phlegmatische particulis ferosis constante, quæ totam massam reddunt dilutiorem & satis fluidam. Idem porro vasa habent per quam capacia, sed fibras spongiosas; quare sanguinis motus facilis quidem est, sed ob debilem impulsu non admodum celer, adeoque mens tali circumdata corpore, nec metuit vehementer, nec anxie spirat, sed mira indifferentia in omnibus rebus versatur, nulloque vel doloris vel voluptatis sensu admodum adficitur.

§. IV.

Quamvis haud pauci sint, qui totam hanc de temperamentis doctrinam, ceu fictam, ne quid gravius dicam, penitus rejiciant; nos tamen succincte ostendemus, illam in Moralibus suo non destitui usu. Sicut enim aër pro diversa cœli temperie variae qualitatis spiritum herbis atque animantibus adfundit; ita, teste experientia, humorum in corpore moderatio suam animo vim impertit, illique aut salutarem virtutis auram adspirat, aut exitialem vitiorum

rum pestem adfert. Vidimus modo, sanguineum
 apta corporis constitutione gaudere, de qua sibi
 gratulatur hospita anima. Hinc primum in ipso
 animadvertisimus facilitatem & urbanitatem, adeo
 ut omnes ad se libenter admittat, & favore am-
 plectatur. Idem ægre fert immaeritas aliorum mo-
 lestias, easdemque sua liberalitate, si opes ejus ita
 ferant, sublevare studet. Porro sicut ex æquabili
 corporis constitutione animus ejus quasi coloratur;
 ita vindictæ cupiditate non flagrat, sed mansuetum
 se se præbet ac generosum. Idem quoque in utra-
 que fortuna eodem consistit gradu, adeo ut nec in
 secunda cristas erigat, nec in adversa spem abjiciat.
 Haec fere sunt sanguineorum dispositiones ad virtutum
 exercitium. Sed quum ipsos totos occupent præsen-
 tia, futura non prospiciunt, salutis suæ non ita,
 quemadmodum par esset, sunt curiosi; verum com-
 moditatum & otii amantes genio plerumque indul-
 gent. Ad Cholericos hinc progredimur, apud quos
 quum anima corporis domicilio delectetur, hujusque
 vigore adficiatur; sequitur, quod Cholerici sint ho-
 norum cupidi, multique eorum imitentur THE-
 MISTOCLEM, quem MILTIADIS tropaea prius
 tranquille dormire non permiserunt, quam paribus
 inelaruisset facinoribus. Atque ut Apes, ceu canit
 Poëta: --- *Ingentes animos parvo sub corpore ge-
 stant;* ita Cholericus modico in corpore magnos alit
 spiritus: iram facile concipit, facile deponit. Ob-
 jiciantur illi impedimenta in proposito stadio, haec
 totidem sunt ad progrediendum incitamenta; quare
 forti-

fortitudo illi est adserenda. Omnes sui contemptum gravissime ulciscuntur Cholerici, rebusque adversis excandescunt quidem, sed in desperationem non vertuntur. In Melancholicis, tamquam in ædificio ad ruinam vergente, habitat anima; quare ipsi sunt pusillanimes. Ut atra nubes Soli offusa radios illius intercipit, ita bilis deflagratæ cineres mentem obducunt, ingeniique lumen homini præripiunt, nisi in eis rebus, quæ imaginationem desiderant. Non fidunt præsentibus, & præteriorum minus commoda illis suppetit memoria, neque futurorum sunt securi. Hinc cupiditate habendi flagrant, & quanto plura possident, tanto plura concupiscunt. Idem quoque invidiæ stimulis torquentur: in secundis nimis hilares, in adversis animum dejiciunt. Phlegmaticorum miram esse *αδιαφορίαν* nuper vidi-
mus. Hæc facit, ut eorum temperamentum non tam ad certos mores mentem impellat, quam ignavia & torpore reliquas inclinationes impedit.

§. V.

Hi ferme mores ex temperamentis, si eadem simplicia in hominibus invenirentur, existarent: sed dudum ab Eruditis observatum fuit, neminem mortalium unico tantum temperamento gaudere, verum in singulis omnia haec tenus enumerata, licet admiranda mixturæ & graduum diversitate, reperiri. Ex hac varietate diversas quoque in hominibus ori-
ri dispositiones ad virtutes vel vitia, & proinde di-
versos existere mores, necesse est. Quæ singula
B mo-

momenta rite explicare quum proposita brevitas
haud permittat, uno alterove proposito uberiorem
aliis cogitandi materiam suppeditabimus. Si igitur
tria temperamenta in uno ponamus homine, &
quidem Cholerico primum, Sanguineo secundum &
Melancholico tertium locum seu minimam portio-
nem concedamus; deprehendemus ejusmodi homi-
nem amabilem, gratiosum, miraque virtutis specie
fallentem, siquidem omnium fere temperamentorum
vitia se invicem librant & ad quandam modera-
tionem sunt adducta, adeoque in aliorum oculos
non facile incurunt. Taciturni erunt ejusmodi
homines, sed non præter rem: dissimulatores, sed
cum quadam calliditate: humani quidem, sed non
in singulos promiscue: laborum patientes, existi-
mationis ac decori sine affectatione observantes,
graves & pro re nata magnifici, nec tamen profusi.
Ponamus rursus aliud temperamentum mixtum, in
quo regnat Cholericum, proxime accedit Melancho-
licum & Sanguineum ultimum occupat locum; ho-
mines inveniemus, qui non tam amore, quam re-
verentia quadam digni videntur. Erunt enim cir-
cumspici & alacres, sed simul suspicaces & dissi-
mulatores: affabiles, sed cum maxima cautione:
magnifici & liberales, si existimatio in eo vertitur,
ceterum tenaces & parci: in secunda fortuna ambi-
tiosi, in adversa cum quadam magnanimitate comes
& sedatores: nec injuriarum patientes, nec vin-
dictæ cupiditate admodum flagrantes: porro conti-
nentes & frugales, nec tamen sordidi: laborum sine
anxia

anxia cura patientes & in alios officiosi, quoties præsertim spes commodi adfulgeat. Quod si eadem temperamenta alia ratione inter se combinemus, diversas hominum propensiones quam proxime detegere licet. Phlegmaticorum nullam heic habemus rationem, quod non tam singularem propensionem, quam torporem quandam inducat & reliquas affectiones ferme velut aqua ignem extinguat.

VI.

Communi dici solet proverbio: *Quum duo faciunt idem, non est idem.* Scilicet ut corpus nostrum pro diversitate vestimentorum, quibus est indutum, vel grata specie sese commendat, vel minus gratum apparet; ita quoque eadem actio pro diversitate affectuum, quibus ipsa quasi circumvestitur, vel aliorum nobis devincit amorem, vel etiam aversationem quandam parit. Præstat ex. gr. quispiam officium suum, sed tanto torpore & lentis adeo motibus, ut merito cum Poëta ab ipso quæras: *Hocci-ne agis, vel non?* Alius vero eadem detinetur actione, ut in omni habitu, gestu atque labore decus appareat: corpus ita animadvertisit agere, ut anima in illo actu videatur spirare, eminere ac fulgere. Pietate quid præstantius? Quid homine, suam a Supremo Numine dependentiam agnoscente, dignus? Attamen in hujus exercitio magna cernitur discrepancia. Interna enim quorundam pietatis a. lumnorum tranquillitas & merum, quo præcordia ipsorum blande lactantur, gaudium in vultu, in

voce & in gestibus venuste apparent; dum alii rur-
sus morosam adfectant pietatem & caperato ince-
dunt superciliosum, quasi virtus cum humanitate nihil
commune haberet, saltem habere deberet. Hos ita
describit Quidam ex Recentioribus: Ce qui nous don-
ne le plus d'éloignement pour les Devots de profession,
c'est cette aprété des mœurs, qui les rend insensibles à
l'humanité; c'est cet orgueil excessive, qui leur fait ré-
garder en pitié le reste du monde. Dans leur élévation
sublime s'ils daignent s'abaisser à quelque acte de bonté,
c'est d'une manière si humiliante, ils plaignent les autres
d'un ton si cruel, leur justice est si rigoureuse, leur charité
si dure, leur Zèle est si amer, leur mepris ressemble si fort
à la haine, que l'insensibilité même des gens du monde est
moins barbare, que leur commiseration. L'amour de Dieu
leur sert d'excuse pour n'aimer personne. Quisque autem
facile animadvertisit, hanc actionum discrepantiam
non aliunde quam ex varia ipsorum hominum indole,
&, ne quid dissimulemus, ex diversitate temperamen-
torum esse arcessendam. Ex quibus denuo luculen-
ter appetit, quantus sit temperamentorum in mo-
res hominum influxus.

§. VII.

Quum circa mores formandos admodum vale-
ant temperamenta, quæri subinde solet in Moralibus:
An temperamenta libertatem voluntatis impedian?
Ocationem dubitandi inde sumisse videntur non-
nulli,

nulli, quod non tam rationis ductum, cœu par erat; semper sequantur mortales, sed, æstuantibus affectibus, qui suam temperamentis debent qualitatem, se in transversum rapi non raro patientur. Non equidem negamus, temperamenta in facultates animæ, ob arctissimum, quod inter hanc & corpus intercedit, commercium valde influere, non tamen propterea libertatem voluntatis sufflaminare, nedum tollere possunt; adeo ut actiones hinc existerent tantummodo necessariæ. Necesarium enim est id, quod ita est, ut aliter esse nequeat. Enimvero si expendamus actiones, quas Sanguineus exempli gratia edit, eas haudquaquam ita comparatas esse inveniemus, ut aliter esse non possint. Mutationi enim obnoxiae sunt istæ actiones: Si autem necessariæ forent, nunquam Sanguineus suas relinquere posset voluptates, aut aliam vitæ rationem instituere. Quod vero de actionibus Sanguinei tradidimus, commode etiam ad actiones Cholerici, Melancholici & Phlegmatici applicari potest. Libere igitur actiones ab hominibus patrantur & temperamentis resistere possumus, eisdemque, si placet, contrarias peragere actiones. Et hoc jam pridem agnoverunt Præstantissimi Philosophi: Præclare inter alios SENeca: *Vitia nostra, quia amamus, defendimus, & malum us excusare illa, quam executere. Satis Natura homini dedit roboris, si illo utamur, si vires nostras colligamus, ac totas pro nobis, certe non contra nos, concitemus. Nolle in causa est, non posse pretenditur, vid. Epist. CXVI.*

§. VIII.

Quod si singulos jam mittamus homines, atque integras potius consideremus gentes, Historia faciem præferente, deprehendemus, quod harum mores successu temporis, non culpa Doctorum, sed ex aliis causis admodum fuerint mutati & jam mitiores evaserint, jam iterum deteriores facti fuerint. De antiquissimis Persis constat, quod exactissimam primum observaverint disciplinam, & æqui justique fuerint amantissimi, sed paullo post & quidem una eademque ætate ab avitis masculis virtutibus ad vitia non sensim & pedetentim, sed concitato velut gradu, desciverint. In Republica quoque Romana, dum ipsa floruit, quot fuerint Viri virtutum ac meritorum laude conspicui, quam æmulo singuli flagraverint studio, patriæ suæ commoda promovendi, neminem fugere potest. Alio autem tempore sibi ita dissimiles fuerunt Quirites, ut avitam eandemque generosam indolem in nepotibus vix quispiam agnoscere potuerit. Quod si harum mutationum periodos consideremus, facile animadvertemus, cum aucta imperii mole & crescente in dies civium opulentia mores plerumque deteriores fuisse factos. Mirum hoc cuiquam videri potest, siquidem opes sint nervi rerum gerendarum; adeoque institutionem juventutis in bonis moribus promovere, non autem sufflaminare deberent. Sed si cogitemus, quod virtutis via aspera sit, ac vepribus & sentibus obsita, multi hominum eam non ingre-

ingredientur, nisi ut vel honores vel commoditates in hoc obtineant stadio; quas prærogativas quum per pecuniarum summas in opulenta conseqüi queant civitate, Majorum alacritas & impigrum bene merendi studium in nepotibus quasi defervescet. Mutantur enim per introductam rerum copiam vitæ genera & cum his ipsa temperamenta, quæ a victu & amictu, a quiete vel labore, admodum dependent. Atque hæc generalis caussa in singulorum mores influit, eosdemque corruptit. Contra ea si cives a duriori vitæ genere non quidem ad opum satietatem, sed modicam opulentiam peryeniant, diversa hæc vitæ ratio acrimoniam humorum temperabit, simulque efficiet, ut mores humanitatem spirent.

§. IX.

Denique sicut plantæ ejusdem speciei pro diversitate cœli ac soli variam quasi formam induunt, & vel præstantissimos jactitant foliorum colores, vel luridæ sunt, vel pallentes & marcidæ apparent, quarum facies in nitidiorem accedente debita hor tulanorum cultura mutari potest, ita etjam temperamenta hominum jam in meliora, industria atque circumspectione nostra, jam iterum in deteriora per quorundam socordiam & inordinatam vitæ rationem commutari solent. Quocirca quum euilbet homini incumbat, suam promovere felicitatem, quæ per virtutum studium obtinetur, nihil etjam inter-

intermittemus, quo bonum temperamentum conser-
vemus, & deterius sensim emendemus; præsertim
quum ex allatis affatim constet, quantum hoc mo-
do facilior reddatur bonorum morum cultura & simul
vitiis gravissima objiciantur impedimenta. Enimvero
quum naturales nostri coratus in arduo hocce pro-
posito facile sufflaminari queant, D E U M O. M.
suplices rogamus, ut nos inter tot viarum anfractus
incedentes, ita Spiritu Suo ducat ac dirigat, ut
evitatis vitiorum præcipitiis ac ψ eudotia*psuedotia* diversi-
culis ad ingenuorum morum portum & veram
sapientiam perveniamas, in eaque
unice acquiescamus.

